

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Bosnia and Herzegovina
Federation of Bosnia and Herzegovina
FBiH MINISTRY OF
ENVIRONMENT AND TOURISM

Broj: 05-19-85/26
Sarajevo, 18.02.2026.godine

Bosna i Hercegovina
Federacija Bosne i Hercegovine
PARLAMENT FEDERACIJE
ZASTUPNIČKI DOM
N/R: Sekretara
Ul. Hamdije Kreševljakovića 3
71000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 23-02-2026			
Org. jed.	Broj	Priloga	Vrijednost
05/1	-02-	5 25	/26

PREDMET: Odgovor na zastupničko pitanje; *dostavlja se:*
Veza: vaš akt, broj: 03-04-155-12/26 od 23.01.2026. godine

Poštovani,

Vašim aktom, broj i datum iz veze, na adresu Federalnog ministarstva okoliša i turizma dostavljeno je dana 27.01.2026. godine zastupničko pitanje, koje je postavila zastupnica Alma Kratina.

Pitanje: Vlada Federacije BiH ima udio od 8% u vlasništvu Nove željezare Zenica (bivši ArcelorMittal Zenica) i kako se i ranije uključivala u rješavanje problema ove kompanije, zbog čega je Bosna i Hercegovina u februaru 2022. prekršila sporazum o Energetskoj zajednici, postavljam pitanje Vladi i Ministarstvu energije, rudarstva i industrije: Da li i kad namjeravaju razgovarati sa Sindikatom i upravom kompanije o trenutnom stanju u kompaniji nakon službeno podnesenog stečajnog postupka Nove Željezare Zenica pred Općinskim sudom u Zenici, s obzirom da su od investitora najavljeni projekti koji bi bili iznimno štetni po zdravlje građana? U prilogu obrazloženja ovog poslaničkog pitanja, upućenog Vladi Federacije Bosne i Hercegovine, a posebno nadležnim ministarstvima, ukazujem na ozbiljnu zabrinutost velikog broja građana Zenice zbog najavljene izgradnje spalionice otpada i njenog potencijalno štetnog uticaja na lokalnu zajednicu, ali i na Federaciju u cjelini. Ovim putem dostavljam inicijativu grupe građana Zenice, koji izražavaju bojazan da će se nadležni organi vlasti na svim nivoima prekasno uključiti u razmatranje ovog pitanja. Takav pristup nosi značajne rizike, s obzirom na to da bi, nakon same najave projekta, naredni koraci investitora mogli uključivati podnošenje zahtjeva za saglasnosti i dozvole za izgradnju regionalne spalionice otpada na području Zenice.

Na postavljeno pitanje dajemo sljedeći odgovor:

Razumijemo zabrinutost građana Zenice, te u tom smislu napominjemo sljedeće:

Kada su u pitanju projekti poput energana (spalionica), u ranoj fazi planiranja Zakonom o zaštiti okoliša propisano je provođenje procjene uticaja na okoliša u skladu sa Prilogom I. Uredbe o projektima za koje je obavezna procjena uticaja na okoliš i projektima za koje

se odlučuje o potrebi procjene uticaja na okoliš ("Službene novine Federacije BiH", br. 51/21, 33/22 i 104/22) tj. za postrojenja za spaljivanje, hemijsku obradu ili trajno odlaganje neopasnog otpada u količini iznad 100 tona dnevno uz obaveznu izradu studije uticaja na okoliš, odnosno u skladu sa Prilogom II. ove Uredbe za planirane projekte izgradnje postrojenja za spaljivanje neopasnog otpada dnevnog kapaciteta 10 t do 100 t provodi se postupak procjene uticaja na okoliš u kojem se utvrđuje da li je potrebna izrada studije.

Federalno ministarstvo okoliša i turizma u skladu sa Zakonom o zaštiti okoliša („Službene novine Federacije BiH“, broj: 51/21) i članovima 40., 76. i 77. u sve postupke Procjene utjecaja na okoliš, uključuje javnost što je od velike važnosti jer doprinosi kvalitetnom planiranju prostorom, transparentnosti i održivom razvoju, gdje javnost, građani, stručnjaci, nevladine organizacije i lokalna zajednica imaju mogućnost biti informisani, ali i pružiti dodatne informacije o lokalnim uvjetima, problemima i potrebama radi donošenja što kvalitetnije odluke po pitanju zaštite okoliša i zaštite zdravlja ljudi.

Također napominjemo da u Federalnom ministarstvu okoliša i turizma nije zaprimljen zahtjev od strane kompanije „Nova Željezara Zenica“ d.o.o. Zenica, za provođenje upravnog postupka, za izgradnju „spalionice otpada“ te se kod ovog ministarstva ne provode aktivnosti po ovom pitanju.

Dostaviti:

- Naslovu
- a/a



Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Bosnia and Herzegovina
Federation of Bosnia and Herzegovina
FBiH MINISTRY OF
ENVIRONMENT AND TOURISM

Broj: 05-19-88/26
Sarajevo, 18.02.2026.godine

Bosna i Hercegovina
Federacija Bosne i Hercegovine
PARLAMENT FEDERACIJE
ZASTUPNIČKI DOM
N/r: Sekretara
Ul. Hamdije Kreševljakovića 3
71000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 23-02-2026			
Org. jed.	Broj	Priloga	Vrijednost
05/1	-02-	5 25	/26

PREDMET: Odgovor na zastupničko pitanje; *dostavlja se:*
Veza: vaš akt, broj: 03-04-155-23/26 od 26.01.2026. godine

Poštovani,

Vašim aktom, broj i datum iz veze, na adresu Federalnog ministarstva okoliša i turizma dostavljeno je dana 27.01.2026. godine zastupničko pitanje, koje je postavila zastupnica Alma Kratina.

Pitanje: Zahvaljujem predsjedavajući, pozdravljam sve prisutne, i kao građanka Zenice u ime jedne velike grupe građana zaista izražavam ozbiljnu zabrinutost a vezano za najavljene štetne projekte po zdravlje građana a to je izgradnja regionalne spalionice u vlasništvu tajkuna koji je sada u Zenici djeluje na čelu nove Željezare Zenica Vlada FBiH ima obavezu i odgovornost da štiti javni interes građana a nikako ne bi trebala da štiti interes pojedinaca kojima je zapravo dobit osnovni orijentir kad je u pitanju Zenica ovo što govorim u Parlamentu zapravo na neki način treba biti neko preventivno djelovanje i ja se nadam da će tako i biti i da će naša Vlada postupiti u ovom slučaju tako da će štiti interes zdravlja budućnosti građana Zenice jer mi imamo u najavi izgradnju regionalne spalionice otpada gdje će se dovoziti otpad iz susjednih zemalja obzirom da su kapaciteti predviđeni spalionice kako smo saznali takvi da ni jedan trećina otpada koji se u Zenici proizvodi ne može zapravo dovoljna za ono što se kani spaliti da bi u maksimalnom kapacitetu spalionica radila, i mi nećemo sigurno dozvoliti da Zenica postane regionalno smetljište i ovdje mi je drago danas što vidim i ministricu Pozder koja je kroz svoje djelovanje u Vladi FBiH do sad zaista se pokazala vrlo odgovornom osobom koja štiti javni interes građana kroz projekte gdje direktno i njeno ministarstvo uz ostala ministarstva u Vladi zapravo jeste bilo pozvano da određene dozvole kako bi se projekti i realizirali, i ono što očekujem kao građanka Zenice jeste da će se i Vlada opredjeliti jer je vlasnik 8% dakle, udjelu i ima puno pravo da prati ovaj cijeli proces koji se odvija da će se opredjeliti kroz praćenje procesa da konačna odluka vezano za izgradnju regionalne spalionice bude u interesu

građana a ne u interesu investitora kojima je samo profit nešto što jeste suština njihovog djelovanja, hvala.

Na postavljeno pitanje dajemo sljedeći odgovor:

U Federalnom ministarstvu okoliša i turizma nije zaprimljen zahtjev od strane kompanije „Nova Željezara Zenica“ d.o.o. Zenica, za provođenje upravnog postupka, za izgradnju „Regionalne spalionice otpada“, te se kod ovog ministarstva ne provode aktivnosti po ovom pitanju. Shodno tome, ovo ministarstvo ne može davati ocjene o utjecajima projekta koji formalno ne postoji u proceduri.

Sa svim planiranim budućim projektima koji predstavljaju rizik po okoliš postupit će se isključivo u skladu sa Zakonom o zaštiti okoliša („Službene novine Federacije BiH“, broj: 51/21) i u skladu sa važećim podzakonskim odredbama.

Kada su u pitanju projekti poput energana (spalionica), u ranoj fazi planiranja Zakonom o zaštiti okoliša propisano je provođenje procjene uticaja na okoliša u skladu sa Prilogom I. Uredbe o projektima za koje je obavezna procjena uticaja na okoliš i projektima za koje se odlučuje o potrebi procjene uticaja na okoliš ("Službene novine Federacije BiH", br. 51/21, 33/22 i 104/22) tj. za postrojenja za spaljivanje, hemijsku obradu ili trajno odlaganje neopasnog otpada u količini iznad 100 tona dnevno uz obaveznu izradu studije uticaja na okoliš, odnosno u skladu sa Prilogom II. ove Uredbe za planirane projekte izgradnje postrojenja za spaljivanje neopasnog otpada dnevnog kapaciteta 10 t do 100 t provodi se postupak procjene uticaja na okoliš u kojem se utvrđuje da li je potrebna izrada studije.

Procjena uticaja na okoliš takođe podrazumijeva informisanje i uključivanje javnosti u postupke procjene uticaja na okoliš u skladu sa članom 40., 76. i 77.. Zakona o zaštiti okoliša („Službene novine Federacije BiH“, broj 15/21).

Uključivanje javnosti u postupak Procjene utjecaja na okoliš ima veliku važnost jer doprinosi kvalitetnom planiranju, transparentnosti i održivom razvoju.

Putem javnih konsultacija, javnost, građani, stručnjaci, nevladine organizacije, lokalna zajednica mogu pružiti dodatne informacije o lokalnim uvjetima, problemima i potrebama koje možda nisu u potpunosti prepoznate od strane izrađivača zahtjeva, što može značajno uticati na donošenje kvalitetnijih konačnih rješenja.

Dostaviti:
- Naslovu
- a/a

